

嘉慶延安府志

延安府志卷五十八

傳錄四

忠節

膚施縣

宋

張吉

宗顏父
延安人

爲涇原將解宣威城圍死之

宋史張
宗顏傳

明

岳茂延安衛指揮大同總兵寇大舉入犯墩軍與賊通誘

之深入力戰死賜葬祭廕子千戶

延綏
鎮志

王勲延安衛指揮寧夏副總兵賊犯長城勲擊之援兵不

繼戰死贈光祿大夫廕一子千戶予塋祭

延綏鎮志

邵復初延安衛百戶鎮靖營遊擊邵清之孫任磚井堡守

備遷平遼將軍陣亡

延綏鎮志

張維忠延安衛人以寧夏總兵戰敗自經死

通志

馮登鰲以舉人知靈壽賊攻城陷不屈死之其叔父大緯

爲靈城訓導亦罵賊死

延綏鎮志

孫仲嗣素慷慨多俠烈爲階州學正值流寇充斥當事者

重其才委以城守任簡練鄉勇賊不敢犯境乃料大寇環

攻之仲嗣躬冒鋒鏑爲守禦計力竭城陷妻子數十口俱

遇害事聞贈國子博士入祀鄉賢

延綏鎮志

蕭德延安衛人承父蔭任錦衣指揮闖賊破京僞侯李過欲賞其死德抗節不屈罵不絕口死年方二十三其妻恭順侯吳女亦殉難焉

延綏鎮志

楊繡徵生員崇正十六年闖逆破延安繡徵衣冠至公署縊死衣冠內題云所恨上有老母未葬下有幼子未成服觀時勢斷無苟生之理云云聞者哀之

賈志

台元延安衛人闖賊入城兩手握大石欲爲阻擊計隣人恐禍及縛之至家不食五日死

延綏鎮志

安塞縣

明

袁光先貢生性剛毅有爲任滎陽訓導聞逆陷城率衆力戰手刃數賊遂自刎

郭司南崇正庚午舉人任鉅鹿縣知縣夏六月鄰郡失守司南督紳給士庶堅守城池凡四月餘城潰司南與僕張爾璋復格開殺數人爾璋勸司南走司南曰我身屬朝廷不由已也自刎死爾璋亦自刎

國朝

文天爵由將材授廣東左翼鎮標遊擊康熙十五年賊孫楷宗來誘叛天爵叱之遂被殺沉屍於海十九年贈卹有

加

以上
縣志

保安縣

明

劉彰本貢生崇正癸未授涇陽訓導未出都城逆闖入京
彰本囑其子雙全曰受朝廷一命之榮身屬朝廷矣今國
破君亡吾不苟全生兒歸幸勿以我爲念遂繼於涇陽會
館

胡國寶賊破城歸其家衛其母手刃二賊有賊李九相從
旁以鎗刺之應手而仆至死罵不絕口

以上縣志

安定縣

明

王俊彥字升庸博學穎悟染翰千言立就重氣節不濫交
絕意進取杜門課子冠粹起圍城將陷度不免舉家八口
令投繯遂自縊惟季子玉二日前適母家幸免玉子運起
補縣學生

舊府志

宜川縣

明

張武貢生正德間任雲南武定府照磨遭鳳朝變逆死於
難上官監其烈驛送子女於宜子友直亦同死焉祀鄉賢
羅洪元序生儀表雄偉嫻習騎射崇正五年賊薄城城孤
援絕元昌義糾門夫日出戰禦賊於如渠原溝門爲賊所

誘扼於絕壁衆皆破胆乞命元率兩力士大呵曰大丈夫
當橫尸戰場乃效兒女子泣乎自當一面兩力士當一面
倚背對敵矢無虛發箭盡猶手刃數賊身被數十創乃死

縣志

延長縣

明

鄭集命荆門州州判訪之子也崇正年拔貢授任武邑縣
知縣以才能顯時寇兵攻邑城高不滿丈集同士民守之
砲敗敵敵布雲梯上城火藥盡集泣拜母曰兒身已許國
不能事母提刀砍登城兵數人遂自刎與城同沒年三十

一歲時真定失守殉難者集一人撫臣上其事部議給卹
合送母妻同柩歸里因明運隨終未邀卹廕至今哀之縣志
鄭國貞以選貢授歸德府通判尋告歸崇正十年六月流
寇陷城子諸生鳴世欲奉之逃國貞曰城亡吾安所逃乎
遂自刎死鳴世見父死義不與賊俱生奮力出門殺賊力
盡被執賊過天星壯其貌欲釋之鳴世仰天大呼曰父死
吾何生爲罵不絕口賊殺之

張程恩貢生選南陽府經歷署鄧州知州以清操著因父
老乞養歸里值流賊破城人皆避程曰若輩不明順逆吾
當以理論之入城爲賊所執被戮縣志

定遠縣

明

張鎮延安衛指揮使膂力絕人素欲以身致王事每戰必捷生擒刺麻台後被圍射落馬爲賊所支解

倪光友任福建連江副將順治九年與海寇戰歿於陣

延綏

志

國朝

施縉身歷戎行素稱奮勇歷官貴州安義鎮總兵嘉慶五年在四川龍安府竹子山與教匪打仗陣亡奉

旨加等照提督例議給卹廕着入昭忠祠其子登科占科承

縣

靖邊縣

明

梁文炳及弟文燭俱靖邊諸生崇正末流寇破城欲招致幕下皆抗節不屈而死

延綏鎮志

熊維藩字振宇威武堡人宣府叅將致仕歸高賊攻堡維藩力戰傷賊甚衆堡陷維藩自刎

延綏鎮志

張禮字義亭威武堡人爲鹽商素有行義賊至傾家貲守城城陷被賊執罵賊而死

陳志

國朝

黃元龍生有膽力歷官四川普安營叅將乾隆十四年隨
都統傅清左都御史拉布敦征青海所向勇往十五年遇
賊于通事岡力戰死事聞

特贈副將入昭忠祠蔭一子守備今嫡孫傑襲

縣志

延安府志卷五十九

傳錄五

列女

膚施縣

漢

覃氏上郡鍾氏婦也歸未幾夫死年十八誓守無貳志數年問姑及伯叔相繼亡家貧無以葬覃晝夜紡績十年之間八喪悉舉爲州里所傳誦文帝聞之賜粟百石旌表其

門延綏志

晉

漢主劉聰皇后劉氏者太保殷女也聰立爲皇后將爲起
鵠儀殿於後庭廷尉陳元達諫聰大怒將出斬之并其妻
子同泉東市時在逍遙園李中堂元達抱堂下樹叫曰臣
所言者社稷之計也而陛下殺臣若死者有知臣要當上
訴陛下於天下訴陛下於先帝朱雲有云臣得與龍逢比
干遊於地下足矣未審陛下何如主耳元達先鑢腰而入
及至卽以鑢繞樹左右曳之不能動聰怒甚劉氏時在後
堂聞之密遣中常侍私敕左右停刑於是手疏切諫聰乃
解引元達而謝之易逍遙園爲納賢園李中堂爲愧賢堂

宋

孟氏延安衛人父成永樂城夏人攻城陷之父死孟呼號
徒步亟入城中獲父屍大慟而斃夏人憐之并其父瘞焉

續文獻

通考

明

陳氏王敏妻敏官指揮卒氏曰夫既死矣我存何爲因自
縊死同穴而葬時年二十歲正統十年旌表

張氏陸立望妻夫亡子幼孝養舅姑正統中旌表其門

董氏吳著妻夫早亡無子守志不渝宏治中旌表

李氏生員楊子喬妻夫卒年十八欲自縊從夫家人密防

之成服畢暗入夫書室內自縊而死嘉靖中旌表

湯氏李光達妻十九而寡碎首刺目欲以身殉父母止之
氏晝夜泣于柩前一日若見夫以車迎端然而逝卽同葬

焉

以上
縣志

常氏延安衛人沙繼勲妻勲早亡氏年二十餘刻木於室
事之如生垂四十年

延綏
縣志

楊氏延安人呼拜反遣其將士文秀徇平虜叅將蕭如薰
堅守不下如薰妻楊氏總督尙書兆之女也謂如薰曰若
爲忠臣吾何難爲忠臣婦盡出簪珥勞軍士妻率之守城
賊攻圍數日竟不能克

紀事
本末

紀氏生員楊如楠妻夫亡無子苦志守節孝事孀姑萬歷中知府張子忠旌表

王氏楊虞徵妻二子俱生員幼女甫三歲夫亡三日命侍婢就寢三更時自縊當時弔贈詩甚多

趙氏指揮陶秉忠妻延安衛人年十九夫亡其父以無子故屢勸易節氏抗志不從紡績自給壽七十卒

李氏舉人姚衍中妻夫早喪遺孤廷璉甫六歲氏大慟曰吾不難從夫地下嗟此一塊肉誰依度夫子必不瞑目矢志撫孤備極艱苦嘗泣諭廷璉曰汝父立名砥節實志以歿汝其勉之廷璉歸自外塾氏必親課其業廷璉舉明經

筮仕山東東平州氏守節三十餘年年七十一卒

楊氏膚施人太保兆之孫女也適中部貢生劉爾甲柔順安貞無世族氣時值寇變氏避亂夜遇羣盜逼之不從以衣蒙面投崖而死

吳氏錦衣蕭偲妻臨淮侯女也逆闖陷京師偲年方二十三死之吳氏亦自縊死

白氏指揮時清妻延安衛人夫陣亡無子誓不再嫁年八十三卒事聞詔旌表焉

國朝

郭氏張爾志妻年二十稱未亡人甘貧苦節孝事翁姑教

子名世入學後舉恩貢

杜氏廩生武定邢妻延安衛人夫亡遺孤經周甫六歲氏茹荼飲冰歷盡艱辛教子讀書每日夜誦必親課之撫子遊庠孀節三十餘年壽六十有八卒

何氏延安衛人年十七夫亡慟哭欲殉翁姑泣諭以遺孤可念乃苦志守貞躬親紡績撫子成立焉

溫氏贈按察使王日昇妻延安衛人夫客於外歿氏尙幼慟哭幾死矢志守貞備嘗荼苦教子王令官廣東按察使屢封太恭人年八十有一卒

田氏生員薛之光妻事舅姑至孝二十歲於康熙十六年

朱逆判變擄氏繩縛馬上數次罵不絕口甘刃而死

任氏趙富有妻年二十二夫亡家貧歲歉氏茹荼飲冰孝事翁姑教子成立雍正四年旌表

楊氏王氏郭氏俱光祿寺丞趙章之妻俱贈宜人郭氏早寡撫孤教子各成名當事表其閭曰今之孟母

馬氏前乙丑進士湖廣參議馬懋才女趙廷錫之妻

諸贈宜人按以下五人縣志不著事蹟惟列封典今不敢節去謹依縣志之次排入下皆倣此

馬氏江西巡撫馬如龍女趙松之妻

諸封宜人

蘭氏兵部主事趙振綬之母

誥封宜人

馬氏宣化府知府馬益女三十苦節教子成立年踰七十以夫趙振紱

誥封宜人

趙氏樂亭知縣張輔漢祖母

勅贈孀人

朱氏樂亭知縣張輔漢之母

勅贈孀人

以上縣志

魏氏恩貢生張名世妻張爾志媳也與其姑郭氏苦節五十餘年俱蒙旌表

左氏童生吳大年之妻夫亡年甫十七孝養翁姑撫訓子孫守節五十年後蒙旌表

趙氏生員楊捷春之妻夫亡年十九無子而寡痛欲身殉因翁姑年老無依力行孝道並撫嗣子守節三十年旌表
劉氏里民尉諫元妻夫亡後親老子幼苦節六十二年孝慈兼盡蒙旌表

張氏里民何長清妻夫亡孝事翁姑慈育孤子守節六十二年蒙旌表

王氏生員夏嗣茂妻夫亡姑年八旬子數歲氏矢志克盡孝慈凡守節五十年蒙旌表

史氏里民田微妻夫亡孝親撫孤安貧矢志苦節三十九年蒙旌表

王氏里民夏朝伯妻夫亡一子方在襁抱二親衰暮艱苦備嘗守節四十年蒙旌表

董氏里民楊文秀妻夫亡姑郭氏卧病七年湯藥無稍缺夫弟先以子幼勸令改適氏謂無子且守况有子耶矢志不移艱苦萬狀守節四十八年蒙旌表

尉氏生員朱文鳳妻夫亡氏年一十八歲子方四月翁姑年老奉養終身忍死撫孤成名守節三十九年蒙旌表
賀氏生員尉鵬圖妻夫亡守節一子四孫半列膠庠凡苦

節五十一年蒙旌表

南氏衛民閭孔訓妻夫亡觸柱幾死賴救免翁復繼亡事姑盡孝及姑亡鬻子邑人哀之贖子助葬守節四十九年周氏衛民閭丕顯妻夫亡翁姑欲賣氏葬子氏誓不再嫁拾棺幾死事親撫孤終身業織守節三十八年蒙旌表

趙氏武生房象乾妻夫亡翁姑年老子方周歲家道艱難或勸其改志卽正色泣阻守節三十八年蒙旌表

夏氏廩生趙懌妻夫亡翁與繼姑皆有風疾夫前妻子十歲氏子三歲年荒家貧竭力支持守節三十七年蒙旌表陳氏生員李開唐妻夫亡氏年十八子方二歲事翁姑生

旌表

死盡禮撫孤兒教養有方守節三十一年蒙

任氏里民高文燦妻夫亡循分守節事親能孝育子以慈
守節三十二年當道表其閭

秦氏生員閭朝陽妻夫亡時氏年二十三歲姑老子幼氏
孝慈兼盡撫孤椿入縣學食廩餼不壽亦病故媳張氏年
二十一歲矢志守節上事孀姑下撫孤兒安貧循分一門
雙貞

劉氏武生左昌先妻夫亡氏年二十生子數月氏矢志守
節辛苦持家教其子入縣學享年七十有五

王氏里民史贊堯妻夫亡氏撫孤備歷艱辛訓育有方三子成立女爲田徽妻卽前旌表節孝者也

趙氏縣民解文鸞妻年二十二文鸞故甘貧守節孝養翁姑勤儉持家撫孤子迄成立雍正四年蒙

旌表

党氏縣民韓武統妻劉氏武統弟武緒妻党年二十七歲武統故家貧無子党拮据經營爲武緒完娶暨劉舉一子子未周武緒亦故劉年二十三歲兩婦皆守志不嫁奉姑惟謹姑歿盡哀盡禮劉事党如事姑所生子生二孫以長嗣長以次嗣次俱成立劉年五十七卒党享年八十俱雍

正四年蒙

音旌表

崔氏生員田呈藩妻夫亡氏年二十一歲親黨以年少勸改適氏正色拒却之歷五十四年年七十五歲卒

宋氏安塞貢生馬正吉妻正吉少力學氏篝燈佐讀徹夜不寐年二十七正吉亡撫孤守志孝養翁姑後二子諸孫俱有聲庠序七十七卒雍正五年蒙

音旌表

張氏里民趙士奎妻夫亡翁姑年老一子歲餘氏艱辛萬狀全其貞孝守節三十二年蒙

旌表

劉氏生員馮紹緒妻夫亡親老子幼歲荒家貧力盡孝慈之死靡他守節四十年蒙

旌表

張氏里民尹柱妻夫亡家貧奉翁姑養塋盡禮子三歲撫之成立入縣學守節五十餘年蒙

旌表

張氏縣民孫三保之妻因馮甲申調戲捐軀明志乾隆四十七年蒙

旌表

以上
縣冊

安基縣

明

高氏朱薊妻值草寇橫發氏自鄉入城以避暴鋒道值寇
強劫之大罵截耳繩束掖之馬上臨崖氏知不能免罵不
絕口遂墜而死邑人義之爲建烈女祠於城西門外
郭氏邑民白光翰妻夫蚤亡子白崑未週歲歷試百難撫
育成立督撫旌其門曰柏舟苦節

國朝

高氏生員馬應龍妻年甫二十夫亡生長男二歲尙有遺
腹四壁蕭然氏典衣塋夫哀痛不已數月產次子或勸之

嫁氏矢志靡他截髮自毀曰夫亡幸二子可鞠後兵荒交
加茹荼和丸教子長懋英入泮次懋榮應康熙元年恩貢
不幸二子俱逝氏八十始卒順治十三年奉

勅建坊旌表

宋氏生員何繼秀妻未笄以孝名父得不起疾思肉食時
病早禁屠氏割股啖之病遂愈咸謂孝德所感既適夫家
善事翁姑未幾夫天氏有遺腹默祝生男龍騰氏拮据經
營教子人泮年七十而終

宋氏生員馬吳吉妻年二十九吳吉亡撫孤守節勤力操
作爲二子從師費值數歲絕糧數日終無怨言雍正五年

旌表時年七十歲

李氏縣民張大姜妻幼識大義動止皆有禮法子歸後敬
戒無違年十九大姜客死四川氏聞之痛絕復蘇及櫬歸
欲以身殉人以親老子幼勸止歲歉絕糧或諷其他適氏
矢死不二衆感其義共周之雍正五年旌表時年六十餘
劉氏縣民馮友廉妻馮貧甚舅姑甘旨氏以女紅給之翁
歿脫簪珥殯葬年二十八友廉亡姑老子幼氏俾事撫育
雖艱苦萬狀終無怨悔年七十五卒雍正六年旌表

宋氏儒童李大正妻大正亡氏年二十四家貧無依氏矢
志不移姑臥疾二載氏侍牀榻始終勿懈子三人伯仲

葉農季子有聲庠序嫁娶皆名族門庭肅然雍正九年旌表守節歷四十七年

王氏延安營兵李天保妻康熙十八年調延安兵駐平涼天保挈家以往二十三年從勦四川牛頭山賊卒於軍時氏方二十八歲舅姑復相繼歿拮据經營殯葬以禮既終喪復歸鄉井卒年六十二歲諸子皆成立雍正六年旌表

覺氏縣民閆廷選之妻夫亡守節乾隆三年旌表

閆氏縣民馬賦吉之妻夫亡守節乾隆三年旌表

沙氏縣民趙廷綜之妻夫亡守節乾隆三年旌表

閆氏生員白煒之妻夫亡守節乾隆四年旌表

孫氏生員宋桂之妻夫亡守節乾隆四年旌表

拓氏生員韓世勲之妻夫亡守節乾隆十四年旌表

白氏生員高如辰之妻夫亡守節乾隆十四年旌表

高氏生員石叟之妻夫亡守節乾隆十四年旌表

季氏生員李禪之妻夫亡守節乾隆十四年旌表

方氏儒童郭士楊之妻夫亡守節乾隆十八年旌表

白氏縣民劉基敬之妻夫亡守節乾隆三十四年旌表

李氏廩生高通之妻夫亡守節乾隆四十六年旌表

趙氏縣民野士昇之妻夫亡守節嘉慶三年旌表

甘泉縣

明

曹氏許舒妻舒歿氏年十九養孀姑撫幼子終身不渝洪武十八年旌表

馮氏鄭曼妻夫亡子幼紡績養姑成化年旌表

趙氏生員來於階妻夫歿氏年十七遺腹生子承恩守貞五十二年宏治年旌表額曰孝慈完節

張氏徐黑子妻延川張邦寧之女黑子年十九既婚而歿不兩旬氏殉死

國朝

王氏張寬妻夫亡撫幼子光先光先早亡撫孫鵬卒成立

邑令高有基旌以額曰撫兩世孤

王氏廩生李煥妻邑民王明女歸煥煥赴試客亡長安氏年二十八誓死守貞四十餘年仲子枝榮負骸骨歸葬人稱子孝母節

白氏路惟妻夫歿氏年二十子未周晬茹苦守志奉孀姑撫弱嗣卒訓子先登食餼序貢乾隆十二年旌表

毛氏廩生張星輝妻毛星炳女二十八歲夫亡家無立錫撫二子坊壠俱成名乾隆十二年旌表

章氏廩生張惟妻年二十八夫亡訓子開基入縣學乾隆十二年旌表

張氏孫汝賢妻十四歲適汝賢逾年夫亡守節四十五年而終乾隆十一年旌表

段氏苗能暢妻二十七歲守志備嘗艱苦閱三十六年兒孤子及孫會成立

岳氏增生王人翼妻育三子其季子生員王緒夫歿後兩月始生時氏年二十六歲乾隆十二年旌表

蕭氏貢士張廷棟妻早年守節辛勤督課子星燦星煒均以貢筮仕餘二子亦入縣學

章氏張場妻年二十六守志於乾隆十一年旌表

雒氏李麟妻麟歿氏年二十六守志撫孤子十歲

以上
婦同

保安縣

明

劉氏李榮妻孝子劉俊之妹年十八適榮甫六月榮卒氏哀慟欲殉其姑防之密氏婉言寬慰俟姑寢繼死柩前事聞旌表又同邑王榮妻朱氏亦以守節旌表

馮志

韓氏舉人靳希顏之妻年二十二歲夫亡撫孤子靳文光靳文元俱爲縣學生氏七十五而卒旌表

鄭氏兵備道韓炳衡之妻賊以成聞夫被執刎頸而死

李氏廩生王符之妻賊至家氏厲罵不絕投井而死

張氏貢生劉善慶妻賊破城投環而死

靳氏童生許志向妻年十八歲見賊砍傷夫手指血流不止抱夫哭同入井而死

國朝

王氏生員牛重輪妻重輪卒年二十二守志不移時翁姑俱年登上壽氏養生送死情文無缺先是氏有子印金方二歲繼夫兄爲後至是氏乞子同養夫兄感其誠亦許之未幾授室生子兩家宗祀賴以不墜卒時年六十一雍正九年旌表

王氏生員牛紹孔妻年十七而寡無子乞從子世祿爲嗣辛勤鞠育卒能成家舅姑繼亡喪墓咸中禮年五十八卒

雍正九年旌表

宋氏增生王相妻守節五十一年旌表

李氏生員王淡妻守志孝養繼姑苦節四十七年旌表

樊氏童生趙祥宗妻毀容見志以矢靡他守節四十三年旌表

劉氏童生李徽妻孝奉翁姑守節四十一年旌表

王氏童生徐本文妻孝事翁姑慈育孤子守節四十年旌表

侯氏里民鄭宗周妻截髮明志節孝兩全守節三十三年旌表

孟氏童生馬文林妻夫亡卽欲身殉因姑老子孤守節三十四年旌表

楊氏里民何清妻守節二十六年旌表

李氏里民張光前妻毀容示志孝事翁姑守節三十三年旌表

黑氏里民曹一聘妻勤苦自甘孝慈兼備守節四十八年旌表

徐氏里民白仁妻夫族白大驚窺氏美以言挑之氏不從忿悲自盡旌表

安定縣

明

孫氏生員郝效再妻

按縣志以孫氏李氏列節婦之首云二人行事失傳今仍之

李氏生員王恩妻

景氏廩生李恭妻孝子李光裕母二十一歲夫亡遺腹生裕甘心以守撫育教訓兩盡其道年十六入鄉校鄉里有母節子孝之稱氏享壽七十五歲

李氏生員白誥母夫亡家貧誥七歲以針指爲生供誥讀書入縣學病危出五十金囑誥曰善撫幼弟此皆從手指中來者

高氏南征告妻年二十三歲夫亡家貧翁早逝姑白氏叔

河圖負圖甚幼高氏上事寡母下撫幼叔又育孤子儒竭盡心力後河圖萬歷拔貢生任雲南蒙自縣知縣負圖官守備儒縣學生撫按屢旌表其門

白氏生員薛文炳妻賊陷城投井而死

薛氏生員張志道妻生員張映母賊陷城走往兄薛文炳家見其嫂白氏已投井歸亦自縊

高氏生員薛一翀妻年二十二歲夫亡守節數年賊陷城自縊

石氏劉漢興母年十九歲夫亡遺腹生與夫兄欲嫁之逃還母家守節崇正末年卒年八十二歲

南氏貢生景廷桂祖母夫亡守節安貧不移

蕭氏同知白龍圖妻少年夫亡善事翁姑節孝兼著

白氏舉人張開祥妻少年守節長子玉桂又亡訓次子丹桂入縣學人稱賢母

貞氏生員南士昇母少年夫亡堅貞教子

折氏孫永慶妻夫早亡遺幼子四女一家甚貧親戚有勸其改嫁者曰如此貧苦守殆何爲折氏不從曰若不欲守富亦不守志欲守者貧益當守貧何傷終身不易初心卒撫育子女成立

清澗一女失其姓邑人薛三樂子婦初聞盜有掠人子女

者卽買砒礪一兩常佩在身忽一日盜至卽吞之盜不知扶之上馬行未數步墜馬而死

王俊彥女賊陷城其夫某被盜縛而殺之王氏聞之卽出郊覓夫屍先見夫血在路守哭被賊執氏恐汚紿過河遂投冰孔死

陳氏貢生郝建中妻年十五適建中每喜聞烈女事有子七歲聞盜欲來攻城卽常佩一短繩備死及盜入城建中奔走瓦礫堡陳氏卽投井曰我足先下恐不得死以頭先下而死

孫氏廩生郝嗣母孫緒長女廩生郝師南祖母年十九夫

亡獨力理家撫孤子成立子歿又撫孫亦成立平生無病
壽七十三卒

國朝

南氏監生強勳妻年十九歲痛夫亡水漿不入口觸柱幾
死妯娌救免翁叔繼亡事孀姑以孝著其家喪葬七婚嫁
六皆以紡績取辦撫猶子士彥入太學年五十卒旌表
張氏生員王運起妻年二十六歲守節貧無立錫僦屋而
居嗣子又憊廢無親族可依堅志不他適自立門戶以針
工作生計貧愈甚節愈堅邑節婦以張氏爲冠年七十八
歲旌表

吳氏強貴妻年二十六歲夫亡事親撫孤備盡艱苦季子大忠以五月孤男後亦成立入太學旌表

石氏廩生南苞妻十六適苞八年夫亡撫孤讀書有諷以改業者氏嘆曰他人無子號嗣斬南家無讀書子卽如嗣斬身親織紵佐書工有古列女風後子光烈食廩次承烈登賢書雍正十三年旌表

薛氏廩生史頴妻孝姑嫜及穎亡飲泣不聲或怪之婦曰恐高堂病也誓不再醮勉其子以義方男纂欽纂德俱以孝聞德爲山東齊張縣典史有才幹聲旌表

南氏廩生任覺民妻適任一載夫卽病癰罄產以延醫

至卒不起哭夫數倍絕撫其子懋德入縣學事二親猶得歡心翁嘗語人曰任氏之家賴此子婦爲存旌表

張氏生員石恒妻善事舅姑姑病十三載日侍湯藥無懈有慕其賢而構聘者輒泣曰生爲石氏婦死卽當爲石氏鬼矧上有高堂下有幼孤耶卒不他適守節四十年旌表竟氏生員李正妻二十五夫亡長子三歲幼子甫數月氏守節撫孤家貧學織紵無教織者強自爲之成立事姑得歡心嘗曰婦人無白專之義每事必稟問於伯兄桐桐亦善教妯皆玉成立旌表

強氏廩生李憲邦妻廩生強信女年二十六夫亡遺九歲

女一歲男貧如洗族人勸氏易節氏決志不從爲人針指
織紡易米粟撫育二孤食粗糲衣百結毫無苦色卒撫子
煥成立旌表

石氏生員張文藻妻年十六適張時姑薛氏已寡生子鶴
未及期文藻亡氏方二十二歲織紵採薇事姑撫鶴入縣
學姑壽八十餘亡將殯鶴亦亡氏又撫孫備歷辛苦旌表
白氏郭作遠妻年二十七夫故長子幼次子夫死三月而
生家甚貧撫孤成立知縣王公旌其閭

南氏張玉桂妻夫早亡遺子士明甫九歲氏甘窮守節持
齋誦經內針指外農業勤苦不堪育子成立壽九十九終

楊氏生員南晴妻孝事寡姑及晴亡事親撫子源泓讀書
泓十七入縣學氏守節四十八年壽八十二歲

王氏進士南宏續妻年十五于歸姑白氏病久氏卽脫簪
珥侍湯藥凡姁姁所不能任者一一以身當之時叔宏祚
方在襁褓哺翼無怠及姑亡尤篤撫養事繼姑曲盡婦道
庭無間言中年積勞而卒繼姑哭之痛曰安得若婦者以
聯屬吾一家數十口乎

白氏張士明妻姑南氏以衰老寢疾不能貼席久臥氏每
以身負之代床褥起居扶掖務愜其意姑以齒落不能食
必噉口含湯哺哺之殫力調護夜不暇寐卽中裙廁扇手

自滌洗皆含敬慎意如是者十餘年鄉里稱之曰真孝婦也

白氏李人籓妻人籓從父超岳赴京廷試卒於京氏年二十三歲長子溥四歲次子淵二歲家甚貧氏矢志撫孤事翁姑翁亡遺幼叔國籓甫三歲氏撫育成人叔嫂相敬如賓縣令旌其門壽八十卒

趙氏武鵬妻年二十三歲夫亡遺子三家貧如洗甘窮守節躬親隄畝自給薪水撫三子俱成立知縣某旌其閭張氏李國籓妻二十二歲夫亡苦志守節年五十八歲旌表

楊氏郭世蘭妻年二十九夫亡苦志守節撫孤成立年近八十卒

薛氏高愛民妻年十九夫亡一子甫數月內外無依氏守節撫孤備極艱辛子長以耀名亦善事母家道成立鄉人稱之

雷氏郭帝輔妻年二十五夫亡撫孤成立守節三十年知縣廖旌其閭

強氏生員楊撫民妻三十寡遺孤承基甫十歲守節撫育大有賢聲後承基爲縣學廩生

段氏張孔文妻二十七歲夫亡遺孤兒五人家貧子幼氏

艱苦萬狀撫育成立孫十三人曾孫二十二人苦節之報也

白氏生員張旬妻年二十三夫亡遺孤二家貧不支氏歷盡艱難撫育成立學使表其門

薛氏生員南嘉賓妻年二十七夫亡遺男女各二俱幼家貧備極艱辛二十餘年婚嫁甫畢以勞成疾而亡

李氏薛君保妻于歸二年君保遠遊未歸氏不改節以柏舟自矢終身困苦無怨意卒撫子入縣學

史氏生員張璩妻二十九歲夫亡遺男女二人俱幼撫育成立旌表

蘇氏史慈妻年三十歲夫亡遺孤道行甫七歲家極貧無兄弟之依氏磨豆腐爲生苦節三十六年卒

路氏生員孫宏穀妻年二十五歲夫亡無子有遺腹子生欣然曰夫有後矣撫育二歲其子殤氏數日勺水不入口決爲自盡計姑曰爾卽死奈爾老翁姑何遂復飲食以從子敬爲嗣家業淡薄日事針指織紉以奉翁姑翁姑繼云亡哀毀盡禮課子有嚴父風其子甫冠入府學人皆稱婦姆教之善焉壽七十九歲卒乾隆三年旌表

吳氏監生楊承基妻鄉民吳偉世女年十七歸楊事孀姑以孝聞年二十夫亡遺孤二俱幼氏備歷辛苦撫之成立

長入縣學次入國學乾隆五年六年二子相繼亡俱無出
氏卽於夫族繼二孫二媳感之俱守志靡他氏每痛哭曰
吾髮白齒落何戀人世所不死者二媳尙年幼二孫未成
立不能瞑目耳鄉里聞之無不哀感乾隆十一年旌表

郭氏周簋之妻年十七適周生一子周出外南遊五載得
湖廣千總給假旋里居月餘仍之任至次年周卽歿於官
而氏又生一子時氏年二十五歲長子方八歲幼子甫一
歲家貧無依氏矢志靡他背負幼子携長子夏拾菜根冬
收草子以度日艱苦萬狀行道惻然知縣蔣公聞之親詣
其門旌之曰苦節堅貞今諸孫森立衣冠繼起皆氏之所

造云

魏氏徐尙禮妻夫早逝孝事孀姑撫孤成節嘗於針指之暇親身履畝以助其子之勤苦見年七十歲旌表

南氏縣民張宸翺妻夫亡守節乾隆三年旌表

南氏縣民強行健妻夫亡守節乾隆四年旌表

張氏縣民高璠璵妻夫亡守節乾隆四年旌表

強氏縣民宜俊妻夫亡守節乾隆十四年旌表

薛氏生民史纂公妻夫亡守節乾隆十九年旌表

李氏縣民張三德妻夫亡守節乾隆三十年旌表

趙金姐縣人山西孟縣民張應未婚之妻夫欲與苟合以

禮相距被扎死節乾隆三十八年旌表

以上縣冊

黨氏生員李楨之妻夫亡守節乾隆四年旌表

魏氏縣民徐尙禮之妻夫亡守節乾隆十七年旌表

王氏生員楊銳之妻夫亡守節乾隆十九年旌表

徐氏縣民王探之妻夫亡守節乾隆二十年旌表

任氏縣民王貴之妻夫亡守節乾隆二十年旌表

薛氏縣民徐緯之妻夫亡守節乾隆五十三年旌表

薛氏縣民白鎮之妻夫亡守節乾隆五十四年旌表

延安府志卷六十

傳錄五

列女

宜川縣

明

郭氏知縣劉廷瑚妻隨夫延津縣任值流賊破城懼辱赴井死賊平具題建坊旌表

劉丁香知縣劉廷瑚女遇流賊難同母郭氏赴井賊平旌表

白氏孝子楊均仁母夫爵死年十八有孕父母欲奪而嫁

之誓不從生均仁撫之成立陝西巡撫楊鈴旌其門

趙氏郭景甫妻夫亡撫幼子維聘既長遂縊死夫塚上院
道旌表

趙氏張遷妻遷死氏年甫二十無子兄逼之嫁則欲死苦
節自矢壽八十二卒院道旌表

曹氏梁恭妻年二十四夫亡撫二子成立守節四十年

劉氏郭銳妻年二十四夫亡子亦死銳先妻子遺一孫氏
撫育成立年八十一卒

劉氏呼奕妻夫亡守節四十年知縣旌其門

狄氏生員甯化龍妻夫亡無子撫嗣孫振祖成立苦節自

廿年八十卒

王民生員劉永宏妻年十八夫亡撫幼子元駒成立苦節五十八年卒

張氏李永第妻年十八夫亡撫彌月之子至子成立苦節七十餘卒

党氏縣丞楊秉俊妻夫死守節撫遺孤成立

無名氏萬歷壬午歲大饑有夫婦二人行乞于市夫病死婦置之空窰內日聚石壘其門度可容身遂躍入而死嗟乎以丐者礪節若此富貴而鮮克由禮可愧也

國朝

吳氏通判劉廣印妻隨夫寓粵西廣印與其弟湘客先後
病故氏拮据歛葬甘貧守墓越三十六年其弟漢客始遣
人迎柩吳氏楚人也過故鄉不入門萬里扶櫬旋家人稱
爲女中丈夫

張氏生員劉秉信妻氏年二十夫亡苦節六十年撫子夢
蛟蛟成立任鴻臚寺署丞壽八十有男女子孫四百餘指
身及見五世孫里人慕之

田氏薛之第妻康熙十四年兵陷寨觸怒遭亂刃死寨門
下

強氏生員王子騶妻值兵被擄投崖崖約千尺僮仆崖底

越次日午復生

張氏王鑑妻值兵陷寨以墨塗面藏土穴中搜獲皮不免剪頭髮一縷寄其夫躍入河死今其子佐世將遺髮與鑑合葬

楊氏監生劉郡妻年二十八喪夫礪志守節撫子成立壽七十六卒

高氏白玉璜妻年二十五而玉璜歿氏罄貲營葬盡禮翁年邁遺老疾氏晝夜紡以供湯藥旁觀嘖嘖稱孝教育孤子成立守節三十五年卒

呼氏生員劉玉璽妻夫亡氏年二十五矢志不二每歲時

莫享恒手挈遺孤伏地長號不起聞者咸爲酸鼻時孀姑在堂晨昏奉事必誠必敬暨歿已盡禮教子極嚴卒底成立歷三十年而終

黑氏武生張宗妻年二十夫亡歿姑以其少欲遣嫁氏嚙指自誓姑悔之氏承歡朝夕白首無間氏本農家女孀居後以禮法自持雖應門之童不命入不敢入也子旣長娶婦生孫子復歿伶仃困苦視昔有加年六十七卒

趙氏王懋郁妻夫歿時年二十有五家貧親老氏養命自安誓不改節卒能教子成立不墜家聲歿年五十五歲
袁氏生員張台範妻幼嫻女則年十五于歸事翁姑色養

兼至夫歿氏年二十七痛夫早喪欲以身殉未幾姑繼亡
而喪並舉備物盡禮里人稱之夫有叔暨從弟皆別葬氏
念其無嗣改筵祖塋命其子祭掃無缺族黨咸以爲難年
五十八卒子黃甲善承母訓弱冠入縣學有聲

王氏趙銳妻夫亡遺孤僅六月氏辛苦備嘗撫育成立雍正
十二年旌表

強氏張照鼎妻夫亡年二十五以奉親撫孤爲志香奩器
具盡焚棄之曰未亡人無用此爲也生平足不出戶外親
族皆敬之乾隆三年旌表

趙氏李茂妻夫亡有勸之再醮者氏哀號斷指以示不二

後往祭墓遇暴水至氏與婢俱沒於水而氏獨救免人以爲節孝所感乾隆三年旌表

吳氏郭之漢妻夫亡家貧翁姑年老氏生事死葬拮据皆盡禮撫孤成立乾隆三年旌表

劉氏張寅妻夫亡年二十一遺二子貧甚氏拮据養哺而自食糠粃康熙三十年饑民擄掠二子皆被執氏哀懇賊曰乞留長子願以次子代賊問故氏曰長子前妻所遺次子妾所生如長子不保妾何面目見夫地下賊感其義釋之年七十二卒乾隆三年旌表

王氏楊廷標妻夫亡年二十一撫遺腹子克底成立乾隆

九年旌表

張氏劉廷賓妻夫亡遺二子赤貧氏勤紡織備針指供堂上甘旨餘給二子修脯自以糠粃雜菜羹食之艱窘之狀人不能堪氏處之怡然志節愈厲有強隣窺氏年少且欺翁衰老欲迫娶之氏大慟投繯者再翁姑勸止之遂入室毀面爪痕深入膚理隨以墨汁和血搽之傷痕斑斑莫絕觀觀里人呼爲花面節婦年五十七卒乾隆十七年旌表馮氏楊積元妻夫亡無後姑諷其再醮氏刺目自誓饑寒交窘不以介意擇諸子倫叙相當者爲嗣生平淡泊自甘嘗曰未亡人暫度光陰豈得鮮衣美食耶乾隆十七年旌

表

王氏楊廷楹妻夫亡年二十七歲家貧躬自樵採紡績以奉姑姑壽終撫育二子永保成名卒年六十三歲乾隆二十年旌表

楊氏生員劉繼景妻夫亡氏年二十七歲遺孤甫八歲翁姑衰老氏竭力以奉甘旨撫孤成立孝慈兼盡守節三十九年卒年六十七歲乾隆四十三年旌表

白氏生員薛承宜之妻夫亡守節乾隆四十六年旌表
趙氏貢生張尊美之妻夫亡守節乾隆五十六年旌表
高氏進士趙思清之妻夫亡守節乾隆五十七年旌表

延長縣

明

李氏董祖妻明洪武時祖以辟薦謫戍金陵挈氏往祖從
征卒氏詣營尋夫骸殮之負子詣上書當事乞歸或勸在
南改醮氏以帛束髮誓死靡他當事憐之放還負夫骨携
幼子徒步旋里忽一日危坐呼子媳前曰我一生之事畢
矣上帝憐我苦節已命我爲神爾子孫當世守忠義節孝
言訖鼻吐白光而逝建祠於北山之陽卽以解屍爲像祀
多感應蓋正氣所鍾也屢經旌表題曰貞烈今縣董氏皆
其後裔

李氏義民長安女字焦子學盡婦道年二十四歲學卒紡織資生撫養遺孤繼芝繼蘭成立至七十二歲無疾終子繼蘭事母以孝聞母歿廬墓三年知縣雷潔於嘉靖年請旌勅建節孝雙全坊今存

趙氏生員李鏜妻夫早卒氏守遺腹子時行紡織延師教之少年入縣學成以爲節婦之報嘉靖十三年知縣雷潔申請旌表

王氏董維新妻年幼夫卒撫遺腹子承彥成立以天年終萬歷間事聞學使洪公翼聖給匾曰完節可風子承彥事母孝授冠帶旌獎

李氏郭永寧妻年十九夫亡姑八十餘歲失明氏甘貧撫養孤子汝瀛成立入泮萬歷三十五年知縣王崇素詳請旌表

賀氏馬陽妻年少夫亡自甘守節撫遺腹子自鬻以孝行稱萬歷四十三年知縣張永烈以全節保孤表其門

賈氏生員鄭鳴世妻崇正年賊將過天星攻城城陷鳴世誓殺賊氏恐辱身與夫訣以鎌刃刎頸死

董氏王育民妻夫亡氏隨孀姑劉守節撫遺孤王裔就學裔亦卒氏節愈堅事姑盡孝姑歿自爲殯葬以壽終宗族鄉黨咸推孝節本縣旌其門

國朝

鄭氏朱雲雷妻雷亡氏誓不再嫁撫子起鳳弱冠入縣學
嗣願亦早歿鳳妻竟他適遺孤結緣氏撫養延師教之未
冠補縣學生家門昌熾皆氏存之順治二年闔邑士民公
舉節婦知縣李如璧額其門曰堅貞二世

董氏生員王康妻康才品出衆早歿遺子凝命甫三歲氏
甘苦守志織紵教之凝命入庠門戶不墜氏之力也順治
二年知縣李如璧以額旌之

蘇氏生員鄭健妻年少夫亡克盡婦道撫孤子之昭成立
早年入泮皓首正終一鄉稱節

朱氏生員李沂妻沂早亡遺子文英甫三月氏泣告夫靈
守志不嫁妯娌皆勸曰三月孩提守之無益氏曰婦道從
一而終能存此子固守之卽天或不佑當與子偕亡從夫
於地下耳明季寇荒民徙氏保孤守節教訓成名文英弱
冠遊泮人以爲節婦之報順治八年知縣張三異據士民
公舉匾旌其門

張氏王應秋妻秋卒氏未二十設靈尚食泣對三年或勸
以再嫁氏誓死人遂莫敢言壽八十七歲茹素終身子登
魁三歲喪父事母以孝聞順治十七年知縣舒暢以額旌
其門

鄭氏李曰福妻福歿氏年二十五遺三歲子廷桂在襁褓時值寇熒備嘗艱辛以保遺孤常曰氏不從夫於地下者爲此李門一息耳聞者皆心動後廷桂成立孫五人氏苦節三十六年而終康熙中知縣孫芳馨旌其門

王氏蘇民生妻年二十一夫亡子呈藻未周歲侄呈彩亦孤氏均撫育之閉門守志貧苦自甘雖至親罕觀其面後子侄俱成立同遊庠序族黨莫不贊服康熙十九年士民公舉知縣孫芳馨旌其名

董氏雷英之妻夫亡守幼子不再醮翁逼嫁氏乃刺一目遂終乃節

羅氏朱秉寅妻夫逝時氏年二十遺腹子應元撫育成立
八十三歲終康熙十七年旌表

以上
縣志

白氏郭運隆妻雍正九年旌表

李氏何毓俊妻雍正九年旌表

高氏劉進義妻雍正九年旌表

董氏郭輔鼎妻年二十五歲失夫孀守壽終九十一歲

段氏郭鎮畿妻年二十三歲守節壽終九十八歲

朱氏李世芳妻夫亡氏年二十三貞操矢志撫子成人里
中重其節孝

彭氏李玉堂妻夫亡時氏年二十七遺子四歲守節撫以

成立壽八十三歲

段氏廩生鄭恪妻夫早逝氏年二十一生子甫七月家貧冰雪矢志撫子陳頌成人守節四十餘年

朱氏李長貢妻夫早亡氏年二十六歲守節遺子六齡氏堅冰自持撫子成人至今壽六十歲

田氏廩生鄭諄妻生一子天命食餼早逝遺妻未逾年亦亡孫崑珠甫三歲田氏曰鄭氏一脉全在此子如天不絕鄭氏使氏多壽幾年得撫此子成人鄭門之幸也辛苦撫養崑珠早入縣學食餼知縣晏公旌其門

白氏常廣金妻金亡子經入縣學亦早逝遺孫圭鼎甫五

歲氏撫之稍長自忍饑紡績俾鼎讀書後鼎亦入縣學食
餼貢于朝氏年七十五臨終猶以立身貴端方勿負吾拮
据勿墜爾家聲爲勗人皆推母教有成云

朱氏康晟之妻守節撫子未幾子亦亡遺弱孫二人氏撫
養成立壽八十七卒

康氏鄭國文妻二十九歲守節撫四子成立壽八十歲卒
張氏王嘉祥妻年二十三夫殞子未週歲氏誓守撫育成
立苦節四十九年終雍正中旌表

鄭氏羅光奎妻通判鄭國正女夫歿年二十八苦節六十
年教孫成立年八十八旌表

張氏張士清之妻年二十八守節壽九十餘歲

董氏蘇棲鴻妻夫亡守節乾隆元年旌表

史氏生員王誠妻年二十九守節事親撫孤克盡慈孝

高氏李瑞妻年二十三歲夫逝遺子三良僅滿月氏苦節

自守撫子長大入縣學壽七十餘歲

馮氏宋璉妻侄明鏡五歲失怙恃叔父璉亦隨沒氏代夫
撫侄加厚懿訓尤切紡績以資膏火倦卽飲泣責之侄力
勤遂入縣學食餼氏時貧且病猶典產資侄鄉試臨終時
勗侄勿廢書嗣明鏡膺選拔前令郭爲製賢節傳

王氏庠生李譽生妻年二十一夫亡遺二子俱幼無伯叔

兄弟氏專以紡績針指延生孝事孀母撫二子成立知縣
歐陽某旌其門

馮氏董閑妻年二十守節茹藥飲水人稱完行雍正九年
旌表

高氏賀文倉妻年二十五夫歿子甫四齡矢志守節撫孤
傭歷困苦壽八十歲終

侯氏劉學義妻年二十五孀守孝養舅姑撫子邦清成立
知縣某旌其門

白氏劉學仁妻夫亡氏三十歲子邦安五歲氏撫子守節
孝養舅姑縣人以匪石之貞表其門又額以一門雙節

趙氏段學義妻夫亡氏年二十七子甫週歲家貧苦氏上侍舅姑下撫孤雛躬負薪水冰操愈堅雍正十二年旌表

董氏馮士萃妻茹苦撫子成立雍正十二年旌表

羅氏王治妻治早喪無子氏念舅年老無人奉養撫堂弟王泓幼子承繼躬親紡織奉翁姑舜舜得頤養壽幾百齡又撫嗣子成立縣人咸稱節孝焉

蘇氏呂得祺妻祺亡氏年二十九子未週歲苦志守節紡織度日備歷艱辛撫孤成立年七十餘歲

以上縣冊

李氏縣民何毓俊之妻夫亡守節乾隆元年旌表

劉氏縣民蘭國棟之妻夫亡守節乾隆三年旌表

延川縣

明

袁氏生員曹仁妻家徒四壁夫歿氏年二十兒皆在襁褓中仁兄欲強之嫁氏矢節不二撫養二子皆成立縣人稱之

張氏縣民王紀妻年十九歲夫亡其子世寶在遺腹中氏誓不改嫁日以產男祝于天果產男氏恩斯勤斯育子成立事姑孝竭力奉養如採樵汲水皆躬親之姑歿氏撫子世寶哭泣哀毀稱力營葬人以爲難

曹氏縣學生楊一元妻知縣曹繼宗女一元疾在膏肓無

起色氏誓以死殉一元卒氏自縊家人覺而救之始甦氏仰天號泣飲食不入口者七日遂卒時氏年甫二十歲閭縣交重之

高氏縣民馬萬選妻兵亂避居馬家店寨崇正九年賊圍寨尅之氏偕家人扶祖姑母與姑出寨賊阻之乃其祖姑母與姑據氏氏厲聲罵賊不屈賊強掖氏上馬氏跳下復掖之氏復跳下如是者數次賊不獲已將氏仍掖上馬用繩接連鞍轡以縛之氏行至狹隘小徑伸手將所縛之繩絕斷大罵一聲連馬拖落崖下立時齏粉賊衆相顧駭嘆馬氏縣民張瑾妻年十八歲夫亡腹有孕氏每夜對天焚

香祝曰願產男以主宗祀果產男氏將男撫育長大始賀氏亦蚤寡氏尤善事之孝孀親撫嬰兒備歷辛勤人稱女士焉

高氏縣民楊廷春妻年二十六歲夫亡遺二子孤長子五歲仲子一歲氏誓不他適事厥姑撫二穉克成立

溫氏縣民袁奉江妻年三十歲夫亡遺孤袁邦賢甫七齡氏爲夫守義育穉子稍長教以讀書後邦賢補弟子員孫爾佳爾成薦明經爾僑選子衿曾孫京冲年遊黌以才學名皆氏訓誨之力也氏享年大耋監司府縣各旌之

國朝

郝氏縣民高爾光妻明馬湖府太守郝正芳之仲女也年二十一歲夫亡遺子高士泓三歲氏矢志不移凡有宦裔貴族托媒聘至氏卽正色叱去事姑撫稚歷二紀如一日始亡竭力葬之卒見子士宏成立

段氏縣民高隆允妻年二十二歲夫亡遺二子皆幼氏苦志守節育二子自成立今氏年五十歲閨紀肅然縣婦化之

賈氏縣民高一第妻氏翁諱常染瘡病屢治不効聞以人肉啖之可瘳氏與叔一魁焚祝于神爭割股肉以啖之翁疾果愈享年八十國歲而歿邑人咸以爲孝感天地云

劉氏縣學生闕漢鼎妻年二十三歲夫亡遺一子琬尚在襁抱氏誓不更適教子以義方琬成立入府學食餼知縣旌其門

郝氏縣學生馬雲騷妻縣學生郝牆培基之女年二十九歲夫亡遺五子俱幼氏苦志守節孝事翁姑和尢訓子仲子雄吏員季子毅入泮食餼知縣旌其門

梁氏縣民劉姚舜妻年二十歲夫亡遺一子正印方哺乳稍長日育氏焚香祝于天日重明攻書入縣學年八十三歲而歿

楊氏縣民李文寶妻年二十四歲夫亡遺二子茂生茂蓮

方幼家徒壁立氏艱貞自矢孝事舅姑劬育二子皆成立
知縣旌其門

袁氏縣民甄復興妻年二十七歲夫亡遺二子奇玉彥士
俱少氏苦守貞節艱辛萬狀撫孤成立次男彥士入泮聞
範肅然知縣旌其門

高氏甄奇玉妻年二十五歲夫亡遺一子可選甫一歲氏
孝事孀姑恩勤撫孤邁成立守節終身知縣旌其門

劉氏儒童高重光妻縣學生劉振聲之仲女也年二十二
歲夫亡遺二子成節成烈俱穉姑歿舅老家計蕭條氏孝
事翁撫孤成節讀書入泮成烈力田務本歲荒母子幾至

饑斃終不改操知縣旌其門

高氏儲童高栢嶽妻年二十一歲夫亡無子翁姑哀其年少勸再醮氏誓之死靡他孝事翁姑勤理家務以姪從卑繼祧讀書入縣學不幸早夭氏悲痛成疾而歿知縣旌之曰節孝可風

楊氏縣民李文魁妻年二十六歲夫亡遺二子茂枝茂盛俱幼氏矢志守節或勸再醮卽正色斥去後二孤成立壺範肅然

毛氏縣民董其士妻年二十四歲夫亡遺一子良才年方三歲氏誓不再嫁孝奉翁姑恩育幼孤年踰古稀而歿

李氏縣民樊世良妻年二十七歲夫亡遺一子鎬未離襁
抱氏爲夫守節苦志撫孤成立家貧無怨後鎬失偶遺幼
子氏育孫若慈母閭閻稱其貞淑可風

王氏縣學生王良楨妻貢生王佶仲女也年二十一歲夫
亡遺二子俱穉氏甘心守節恩撫二孤年踰五十子皆成
立氏猶親操井臼紡績不輟家教端肅慈母若嚴父焉

劉氏縣學生郝瓚妻縣學生劉朱昌仲女也年三十九歲
夫亡遺四子允升允孚允肅允恭俱幼氏苦志守節紡績
無間四子俱入縣學氏享年六十六歲而歿鄉里咸稱之
王氏縣學增生高陽元妻縣學生王璽長女也年二十四

歲夫亡遺二子復階進階夫永訣時氏對夫誓不再醮後
艱辛萬狀撫二子成立家教凜然

卅氏縣民馬汝龍妻年三十二歲夫亡遺一子騷年方十
歲氏矢志守節家無升合携騷躬親樵汲茹冰自甘氏年
近古稀騷亦成立知縣旌其門

梁氏縣民高萬舉妻年二十六歲夫亡遺一子峻氏誓不
再嫁孝事舅姑義方教子峻成立入縣學克振家聲

梁氏簡童高萬全妻年二十八歲夫亡遺二子長光次奎
氏守節教子甘苦備歷孫子德攷書補弟子員氏年七十
方卒

賀氏縣民王有惠之妻夫亡守節乾隆十四年旌表

馬氏縣民樊學甫之妻夫亡守節乾隆十九年旌表

樊氏儒童高萬國妻年二十九歲夫亡遺二子長曜次平

未離襁保氏爲夫守節家徒壁立襁負二孤親事農業後

二子皆成立知府旌其間曰一門三節

以上縣志

馬氏縣民于寬妻年二十六夫亡遺子幼小氏孝事孀姑

撫孤勤讀守節四十二年而卒乾隆四十年旌表

縣志

馮氏縣民劉紹漢之妻夫亡守節乾隆五十一年旌表

董氏縣民高于衆之妻夫亡守節乾隆五十六年旌表

雒氏縣民劉興貴之妻夫亡守節嘉慶七年旌表

定邊縣

國朝

郭氏營人賀麟妻麟故武宦子康熙十八年寇擾定邊麟被掠至秦州亡氏年二十三歲上事袁姑下撫孤子歷五十餘年雍正初年旌表

陶氏縣民沙毓俊妻守節六十二年於康熙五十二年旌表

謝氏縣民賈世虎妻年二十夫亡子生甫三月家計甚艱從堂兄賈世民陽托矜恤移氏同居氏年少世民欲以爲利因逼令改適氏仍歸舊居以避之栢舟之操終始不渝

雍正四年旌表

許氏縣民亢孝妻夫亡氏年甫二十一茹荼飲藥志不稍
易雍正四年旌表

王氏縣民陶魁妻年十八夫亡叔俊以氏年少令改適氏
剪髮刺指誓不再醮撫孤成立雍正四年旌表

陳氏縣民高孝妻守節五十六年於乾隆七年旌表

張氏儒童趙廷璞妻守節四十四年於乾隆十三年旌表

馬氏縣民張應遠妻守節五十二年於乾隆十七年旌表

謝氏縣民李時謙之妻夫亡守節乾隆十七年旌表

韓氏縣民李子民之妻因李重民調姦不從羞忿自縊乾

隆十七年旌表

劉氏縣民許輝祖妻守節五十一年乾隆十七年旌表

余氏縣民劉洛妻守節四十九年乾隆十七年旌表

馮氏縣民崔大柱妻守節五十八年乾隆二十年旌表

劉氏縣民鄭義妻守節四十八年乾隆二十年旌表

盧氏營卒李世雄妻守節三十五年乾隆二十八年旌表

白氏武生劉汝柱妻守節三十四年乾隆三十九年旌表

李氏縣民劉成之妻夫亡守節乾隆四十四年旌表

孫氏生員張俊飛之妻夫亡守節乾隆四十六年旌表

何氏縣民高晏世之妻夫亡守節乾隆四十九年旌表

靖邊縣

明

袁氏縣學生查瑾妻年十八瑾以救父陣亡氏聞不食死

建坊旌表

延毅志

國朝

張氏柴芝蘭妻靖邊人歲大饑芝蘭偕長子璠負販遇盜

死氏年三十指季子國梁謂仲子國棟曰此塊肉足以祀

柴氏矣吾與若往求屍卽不得則死哀號旬旬果得夫及

子屍負之歸矢志自守備縫紉自給年七十八卒

延安志

石氏縣民李禹妻少歲夫亡養老撫孤孝慈兼盡守節五

十二年乾隆十一年旌表

李氏縣民張大謀妻敬事翁姑撫子成立守節六十一年
乾隆十六年旌表

賀氏生員張漢遠妻孝養翁姑親嘗湯藥撫孤成立慈嚴
兼濟守節五十二年乾隆十九年旌表

王氏縣民鄭文軒妻孝事翁姑撫孤育孫教養備至守節
五十一年乾隆十九年旌表

姬氏縣民賀翼妻貧守事老撫幼矢志不移守節四十七
年乾隆二十年旌表

張氏縣民鄧穎異繼妻撫前妻子勞瘁備極尤孝事老姑

凡守節三十一年乾隆二十年旌表

班氏縣民劉宗景妻矢志守貞仰事俯育孝慈兼盡守節四十五年乾隆二十年旌表

李氏縣民宗昌妻甘心守志事翁姑以禮撫子成立守節四十六年乾隆二十年旌表

武氏監生馮繼聖妻窶貧自守力事寡姑撫養孤弱守節四十六年乾隆二十一年旌表

柴氏縣民劉大緒妻少歲守志誠敬事上勤儉撫孤守節四十四年乾隆三十一年旌表

李氏縣民白芝之妻夫亡守節乾隆三十八年旌表

徐氏縣民梁良桐妻奉姑盡孝撫孤成立剪髮明志以矢
靡他守節四十年乾隆三十九年旌表

陳氏縣民白士靜妻立志不移事親撫孤孝慈交瘁守節
三十二年乾隆三十九年旌表

以上
縣冊